

TEZĂUR LITURGIC
19 NOIEMBRIE

ACATISTUL
SF. IERARH
FILARET
DROZDOV,
MITROPOLITUL
MOSCOVEI
ȘI ÎNTREGII RUSII



MOSCOVA, 2000



Ака́фист

святителю Филаре́ту, митрополиту Моско́вскому и Коло́менскому

Конда́к 1

Избра́ннаго Бо́гом на служе́ние Це́ркви
Росси́йстей и пре́емника святите́лей
Моско́вских, я́ко архипа́стыря Христо́ва,
поборника и́стины и ревни́теля благоче́стия,
достойно чту́ще тя, Филаре́те, благода́рственное
пе́ние воспису́ем о тебе́ Го́споду. Ты же,
ходата́йственно предста́й Престо́лу Бо́жию, о
нас при́сно моли́ся, да с любвию зове́м ти:

Ра́дуйся, святителю Филаре́те,
ве́ры Правосла́вныя богому́дрый учи́телю.

И́кос 1

А́нгел па́стывы Росси́йския яви́лся еси́ в житии́
твоём, святителю Филаре́те, охраня́я и защища́я
ю́ и боле́зную се́рдцем о Оте́честве твоём. Ны́не
же, с ли́ки Небе́сными совокупле́н, наипа́че

мо́лишия за ны, усер́дно просла́вляющих тя и зову́щих:

Ра́дуйся, святи́телей Моско́вских прее́мниче и в благода́ти им насле́дниче;

ра́дуйся, я́ко Петр град Москву́ возлюбивый.

Ра́дуйся, я́ко Алексий о нем усер́дно моли́вьйся;

ра́дуйся, я́ко Ио́на бо́дрственне град стрегий.

Ра́дуйся, я́ко Мака́рий, ру́сских святы́х ре́вносно почита́вьй;

ра́дуйся, Фили́пповым по́двигом утвержда́вьйся.

Ра́дуйся, Ио́влеву благоче́стию подража́вьй;

ра́дуйся, Ермаго́еновою любóвию ко Оте́честву распала́емьй.

Ра́дуйся, святи́телю Филаре́те,

ве́ры Правосла́вныя богому́дрый учи́телю.

Конда́к 2

Ви́дяще Бо́жия благода́ти оби́льное излия́ние, разуме́ем тя, святи́телю, я́ко сосу́д, испо́лненный прему́дрости и ра́зума, стра́ха Бо́жия и

благочестия. Тѣмже благодарственно вопиѣм
Подателю всех благ: Аллилуія.

Икос 2

Разумѣя промышлѣние Божіе о тебѣ, святителю
Филарѣте, во вся дни живота твоего тщался еси
присно воли Божіей покарятися и на Господа
Единаго все упованіе возлагати. Тѣмже мы
прославляем тя сице:

Радуйся, от утробы матери Господем
избранный;

радуйся, от пелен твоих Его возлюбивый.

Радуйся, от юности твоея Бога зыскавый;

радуйся, до конца Ему верен бывый.

Радуйся, во вся дни Богу неленостно
трудивыйся;

радуйся, и в ночи Ему бодренно моливыйся.

Радуйся, вину пред Господем ходивый;

радуйся, в сердце твоём присно Его носивый.

Радуйся, святителю Филарѣте,

веры Православныя богомудрый учителю.

Кондак 3

Сила Вышняго умножи ревность твою ко благочестию, святителю Филарете, егда восприял еси монашеский чин и основание крепкое лестницы добродетелей поставил еси. Сего ради, прославляюще подвиги твоя, вопием хвалебную песнь Богу: Аллилуия.

Икос 3

Имея разум богоприятный, востекл еси, святителю, к познанию истины Христовы. Мы же, словесы твоими в вере утвердившися, похвалы, яко кадило умное и благовонное, приносим ти, взывающе сице:

Радуйся, Богом Слово́м наученный;

радуйся, Ду́хом Святы́м вразумленный.

Радуйся, богодухновенныя кни́ги изъясни́вый;

радуйся, мно́гая писания́ святы́х оте́ц ве́рным препода́вый.

Радуйся, испове́дание ве́ры уясни́вый;

радуйся, глад духо́вный сло́вом Бо́жиим утоли́вый.

Радуйся, свобождéние угнетенным возвести́вый;

ра́дуйся, дея́ньми сво́ими па́ству росси́йскую
духо́вно обога́тивый.

Ра́дуйся, святи́телю Филаре́те,
ве́ры Правосла́вныя богому́дрый учи́телю.

Конда́к 4

Бу́рю вну́три име́я помышле́ний сумни́тельных о
житии сво́ем, пи́ит росси́йский в уны́ние
прии́де. Богому́дрый же глаго́л твой услы́шав,
святи́телю Филаре́те, я́ко не всу́е жизнь от Бо́га
нам даде́ся, благода́рне вразуми́ся. Мы же,
назида́ющесе́ сим, со умиле́нием Бо́гу
вопи́ем: Аллилу́ия.

И́кос 4

Слы́шавше па́стыри Христо́вы по всей Росси́и
сла́вное и́мя твоё, святи́телю Филаре́те, к тебе́,
я́ко прему́дрому архипа́стырю, притека́ху,
и́щуще сове́та, наста́вления и защи́щения.
Та́кожде и мы, от тебе́ наста́вление прие́млюще,
ра́достно взыва́ем си́це:

Ра́дуйся, архиере́йством от Бо́га почте́нный;
ра́дуйся, крест сего́ служе́ния смире́нно
поне́сый.

Ра́дуйся, та́ин Бо́жиих прему́дрый строи́телю;

ра́дуйся, ве́чераи Господни благоговейный
совершителю.

Ра́дуйся, апо́столов и святителей преёмниче;
ра́дуйся, благодати их достойный наследниче.

Ра́дуйся, ли́ка святы́х соприча́стниче;
ра́дуйся, Ца́рствия Небеснаго прі́сный жи́телю.

Ра́дуйся, святителю Филаре́те,
ве́ры Правосла́вныя богому́дрый учи́телю.

Конда́к 5

Боготе́чная звезда́ на небе́ церко́внем возсия́л
еси́, святителю́ Филаре́те, мрак грехо́вный
озаря́я и тьму невері́я просвеща́я. Те́мже яви́лся
еси́ все́м ищущим спасе́ния я́ко свети́льник
путево́дный, науча́я воспева́ти Христу́
Бо́гу: Аллилу́ия.

И́кос 5

Ви́дяще лю́дие росси́йстии, святителю́ Филаре́те,
усе́рдное твоё́ служе́ние во дни бе́дствий
наро́дных и сугу́бое попече́ние о су́щих во у́зах,
возблагодари́ша Го́спода, дарова́вшаго тя,
сто́лпа́ Це́ркве на́шея. Мы́ же, прославля́юще и

та́йная блага́я дея́ния твоя́, ны́не Про́мыслом
Бо́жиим явле́нная, воспева́ем си́це:

Ра́дуйся, Коло́мны благо́е прозябе́ние;

ра́дуйся, Ла́вры Се́ргиевы благоуха́нный цвёте.

Ра́дуйся, гра́да Петро́ва преизя́щный сто́лпе;

ра́дуйся, Тве́ри преимене́тое украше́ние.

Ра́дуйся, Яросла́вля пресла́вное велича́ние;

ра́дуйся, первопресто́льная Москвы́ похва́ло.

Ра́дуйся, Руси́ святы́я ликова́ние;

ра́дуйся, всем притека́ющим к тебе́ ра́дование.

Ра́дуйся, святите́лю Филаре́те,

ве́ры Правосла́вныя богому́дрый учи́телю.

Конда́к 6

Пропове́дника златоуста́го ве́мы ты, святите́лю
Филаре́те, сло́вом И́стины нра́вы благи́я
утвержда́й, заблуждши́я исправля́й, грешны́я
облича́й. Сего́ ради, восхваля́юще ты, песнь
Бо́гу возда́ем: Аллилу́ия.

И́кос 6

Возсия́л еси́ ева́нгельски на све́щнице
церко́внем я́ко свети́льник, верху́ горы́ сто́яй,
святите́лю Филаре́те, о́браз ве́рным показа́в
сло́вом, жити́ем, любо́вию, ве́рою и чисто́ю.
Сего́ ра́ди во́пием ти:

Ра́дуйся, Христа́ ра́ди во уме́ты вся вмени́вый;
ра́дуйся, по́двигом до́брым подвиза́выйся.

Ра́дуйся, от ю́ности себе́ во́ли Бо́жией преда́вый;
ра́дуйся, моли́тву все́м се́рдцем возлюби́вый.

Ра́дуйся, сло́ву Бо́жию науче́нный;
ра́дуйся, послуша́нию навы́кнувый.

Ра́дуйся, в терпе́нии ду́шу твою́ спасы́й;
ра́дуйся, в смире́нии Бо́гом превознесе́нный.

Ра́дуйся, святите́лю Филаре́те,
ве́ры Правосла́вныя богому́дрый учи́телю.

Конда́к 7

Хотя́ в мона́шестве смире́нно жити́е проводи́ти,
потща́лся еси́, свя́те, суе́ты ми́ра сего́ избе́гнути.
Про́мысл же Бо́жий, вя́щшее о тебе́ промышля́я,
поста́ви тя священноархимандри́та оби́тели

Сѣргіевы и святителя Цѣркве Россійскія. Мы же, дивящеся сему, поѣм Богу: Аллилуія.

Икос 7

Новый показася рачитель и устроитель скитов и обителей, святителю Филарете, да вси хотящии шествовати узким путем, спасительную жизнь в них обрящут. Темже вопиѣм ти:

Радуйся, соблазны мира не прельстивыйся;
радуйся, обѣты монашества исполнивый.

Радуйся, преподобнаго Сѣргія от юности возлюбивый;

радуйся, посещением его утешенный.

Радуйся, преподобнаго Антонія, яко духовнаго отца и собесѣдника имевый;

радуйся, преподобнаго Серафима усердно почитавай.

Радуйся, пустынное житіе в сердце носивый;

радуйся, сего ради скиты в Лавре Троицстей насадивый.

Радуйся, святителю Филарете,

вѣры Православныя богомудрый учителю.

Кондак 8

Странны́е и дивно́е чу́до явля́ет днесь Хра́м Христа́ Спаси́теля, тобо́ю, святи́телю Филаре́те, в воспоми́нание побе́ды христолю́бываго россия́скаго во́инства основа́нный, в годи́ну же безбо́жия до основа́ния разру́шенный и ны́не ми́лостию Бо́жиею возо́жденный. Мы же, о сем благода́ряще Бо́га, вопи́ем: Аллилу́ия.

И́кос 8

Весь был еси́ всем, святи́телю Филаре́те, я́ко архипа́стырь ми́лостивый и о́тец до́брый чадолю́бивый и всяко́е де́ло с рассу́ждением во благо́ Це́ркве Бо́жия творя́й. Те́мже зове́м ти:

Ра́дуйся, Хра́ма Христа́ Спаси́теля основа́телю;
ра́дуйся, благоле́пия церко́внаго ревни́телю.

Ра́дуйся, священ́ства богому́дрый архипа́стырю;
ра́дуйся, мона́шествующих наста́вниче.

Ра́дуйся, церко́вных уста́вов храни́телю;
ра́дуйся, лжему́дрствований искорени́телю.

Ра́дуйся, во благо́х де́лах помо́щниче;
ра́дуйся, в до́брых наме́рениях поспе́шниче.

Ра́дуйся, святи́телю Филаре́те,
ве́ры Правосла́вныя богому́дрый учи́телю.

Конда́к 9

Всяк во́зраст и чин челове́ческий удиви́шася
оби́лию благода́ти Бо́жия, в тебе́ де́йствующия,
е́юже, не́мощь телесну́ю ду́хом препобежда́я,
мно́гия труды́ подъя́л еси́, Бо́гу
взыва́я: Аллилу́ия.

И́кос 9

Ветии́ многовеща́ннии и мудрецы́ ве́ка сегó
умолка́ху при гла́се богому́дрых словес твои́х,
святи́телю. Мы же, дивя́щеся Ду́ху благода́ти
прему́дрости и ра́зума, оби́льно де́йствующу в
тебе́, ве́рно вопие́м:

Ра́дуйся, фило́софе велему́дрый;
ра́дуйся, пропове́днице преизя́щный.

Ра́дуйся, благове́стнице златоу́стый;
ра́дуйся, наста́внице предóбрый.

Ра́дуйся, заблуждших исправленье;
ра́дуйся, безбо́жных вразумленье.

Ра́дуйся, суемудрых посрамителю;

ра́дуйся, боголю́бцев покрови́телю.

Ра́дуйся, святи́телю Филаре́те,
ве́ры Правосла́вныя богому́дрый учи́телю.

Конда́к 10

Спасти́ хотя́ ду́шу твою́, святи́телю Филаре́те,
крест Христо́в яко́ благо́е и́го на ра́мо подъя́л еси́
и с любóвию за Го́сподем послéдовал еси́, поя́
Ему́: Аллилу́ия.

И́кос 10

Стена́ крѣпкая́ был еси́, святи́телю Филаре́те,
Цѣркви и па́стве твоѣй Росси́стей, защища́я и
огражда́я от напа́дающих и гоня́щих ю́. Те́мже
мы, прославля́юще тя́ яко́ побóрника ве́ры и
благоче́стия, зове́м:

Ра́дуйся, о па́стве твоѣй прѣсно́ се́рдцем
боле́знова́вый;

ра́дуйся, о благо́стоя́нии Оте́чества твоего́ слéзно
моли́вайся.

Ра́дуйся, гряду́щая Росси́и, яко́ те́мный о́блак,
предве́де́вый;

ра́дуйся, во искуше́ниях к терпéнию па́ству
твою́ призы́вай.

Ра́дуйся, ересей му́жественный посрамíteлю;
ра́дуйся, раско́ла ре́вностный врачевáтелю.

Ра́дуйся, заблúждших крóткий вразумíteлю;
ра́дуйся, отéческих обы́чаев твёрдый
блюститíteлю.

Ра́дуйся, святíteлю Филарéте,
вёры Правосла́вныя богому́дрый учíteлю.

Конда́к 11

Пéние всякое подобáет возда́ти ти, святíteлю
Филарéте, ты бо смире́нием приобрёл еси́
высо́кая, послуша́нием во́ли Бо́жией стяжа́л еси́
благода́ть Свята́го Ду́ха. Сего́ ра́ди
просла́вльшему тя Бо́гу вопие́м: Аллилу́ия.

И́кос 11

Я́ко светоприёмное зерка́ло Христа́, Со́лнца
у́мнаго, начерта́л еси́, святíteлю Филарéте, в
се́рдце твоём зра́ки го́рних веще́й, к ра́зуму
Божéственному наставля́я зову́щия ти:

Ра́дуйся, свети́льниче, ми́ру Бо́гом да́нный;
ра́дуйся, к святíteльству Го́сподем призва́нный.

Ра́дуйся, под и́го Христо́во вы́ю преклонíвый;

ра́дуйся, брэ́мя Его́ крóтко подьё́мый.

Ра́дуйся, и́скуше́ния му́жественне претерпе́вый;

ра́дуйся, я́звы Го́спода Христа́ в се́рдце твоём
носи́вый.

Ра́дуйся, любви́ю Христо́вою осия́нный;

ра́дуйся, све́том ея́ просвеще́нный.

Ра́дуйся, святи́телю Филаре́те,

ве́ры Правосла́вныя богому́дрый учи́телю.

Конда́к 12

Благода́ть святи́тельства дарова́ Госпо́дь ти,
богому́дре Филаре́те, да грёшны́я обличи́ши,
немо́щны́я укрепии́ши, ка́ющия́ возста́виши и
всем вся́ будеши, да вся́ко не́кия спасе́ши. Сего́
ра́ди благода́рственно́ Бо́гу поём: Аллилу́ия.

И́кос 12

Пою́ще честное́ преста́вление твоё́, святи́телю
Филаре́те, в нёмже Го́споду с ра́достью предста́л
еси́, прославля́ем тя, я́ко вои́стину умно́жившаго
во сто крат да́нный ти тала́нт, и с любви́ю
вопи́ем:

Ра́дуйся, христиа́нския кончи́ны сподо́бивыйся;

ра́дуйся, от роди́теля твоего́ усóпшаго кончи́ну
предузна́вый.

Ра́дуйся, я́ко в день преста́вления твоего́
Боже́ственную литурги́ю соверши́л еси́;

ра́дуйся, я́ко на Небеси́ со святы́ми водвори́лся
еси́.

Ра́дуйся, во оби́тели преподо́бнаго Сэ́ргия
погребённый;

ра́дуйся, от безбо́жных по сме́рти телёсное
поруга́ние претерпе́вый.

Ра́дуйся, я́ко мо́щи твоя́ во вре́мя благоприя́тно
обрето́шася;

ра́дуйся, я́ко в сто́льный град мо́щми́ святы́ми
твоими́ возврати́лся еси́.

Ра́дуйся, святите́лю Филаре́те,

ве́ры Правосла́вныя богому́дрый учи́телю.

Конда́к 13

О богому́дре святите́лю Христо́в Филаре́те,
учи́телю премудрый и злато́усте Росси́йский!
Приими́ моле́бное си́е пёние и умоли́ Го́спода
нашего́ Иису́са Христа́ сохра́нити в чистоте́ и
свя́тости Церко́вь Ру́сскую, Оте́честву на́шему

благостоя́ние дарова́ти, нам же, уче́ньми и писа́ньми тво́ими науче́нным, Ца́рствие Небе́сное улучи́ти, иде́же вку́пе с тобо́ю ра́достно бу́дем воспева́ти Ему́: Аллилу́ия.

Сей конда́к глаго́лется три́жды.

И па́ки чте́тся и́кос 1–й и конда́к 1–й

Моли́тва

О пресла́вне и богому́дре святи́телю Христо́в Филаре́те, Росси́йския Це́ркве свети́льниче, земли́ на́шей похва́ло и гра́ду Москве́ украше́ние! Ты жити́ем и служе́нием тво́им три́ем вселе́нским святи́телем был еси́ подо́бник:

Васи́лию Вели́кому – я́ко быти́е су́щих изъясни́л еси́, Це́ркве Бо́жия и Та́ин Христо́вых строи́тель до́брый яви́лся еси́, ино́ческих уста́вов быв ре́вностный испо́лнитель и покрови́тель;

Григо́рию Богосло́ву – я́ко неботайнственнх созерца́ний о Святе́й Трои́це и о Бо́же Сло́ве сподо́бился еси́ и сих иску́сный провозвё́стник яви́лся еси́;

Иоа́нну Златоу́стому – я́ко неуста́нный пропове́дник и учи́тель пока́яния наро́да Бо́жия был еси́.

И ны́не, вку́пе с ни́ми предсто́я во сла́ве
Престо́лу Бо́жию и ходата́йствуя о нас, моли́
Церкви Росси́йстей на ка́мени испове́дания
Правосла́вныя ве́ры утвержде́нной бы́ти, стране́
нашей ми́р и еди́нение дарова́ти, па́стырем
сло́во Боже́ственныя И́стины пра́во пра́вити,
град Москвú и па́ству твою́ от вся́ких напа́стей
сохранити́.

Призри с Небесе́, святителю́, на ны, ча́да твоя́, и
даруй нам те́плым твои́м ходата́йством ко
Го́споду в за́поведех Его́ преспева́ти, ве́ру
тверду, любо́вь нелицеме́рну и благоче́стие до
последня́го часа́ сме́ртнаго сохранити́, да
непосты́дно предста́нем Спасителю́ нашему́
Го́споду Иису́су Христу́, Ему́же со Отце́м и
Святы́м Ду́хом подоба́ет сла́ва, че́сть и
поклонение́, ны́не и присно́, и во ве́ки
веко́в. Ами́нь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

†

НОВОЕ
* НЕБО